



Ketouvim (hagiographies) - Proverbes

Chapitre 23

23,1	כי-תשב, ללחום את-מושל-- בין תבין, את-אשר לפניך.
23,2	ושמת שכן בלעך-- אם-בעל נפש אתה.
23,3	אל-תתאז, למטעמותיו; והוא, לחם כזבים.
23,4	אל-תיגע להעשיר; מבינתך חדל.
23,5	התעורף (המעיר) עיניך בו, ואיננו: כי עשה יעשה-לו כפיים; כנשר, ועירף (יעורף) השמים.
23,6	אל-תלחם--את-לחם, רע עין; ואל-תתאז, למטעמותיו.
23,7	כי, כמו שער בנפשו-- כן-הוא: אכול ושתה, יאמר לך; ולבו, בל-עמך.
23,8	פתך-אכלת תקיאנה; ושפת, דברך הנעימים.
23,9	באזני כסיל, אל-תדבר: כי-יבוז, לשכל מליך.
23,10	אל-תסג, גבול עולם; ובשדי יתומים, אל-תבא.
23,11	כי-גאלם תזק; הוא-יריב את-ריבם אתך.
23,12	הביאה למוסר לבך; ואזנך, לאמרי-דעת.
23,13	אל-תמנע מנער מוסר: כי-תכנו בשבט, לא ימות.
23,14	אתה, בשבט תכנו; ונפשו, משאול תציל.
23,15	בני, אם-חכם לבך-- ישמח לבי גם-אני.
23,16	ותעלונה כליותי-- בדבר שפתיך, מישרים.
23,17	אל-יקנא לבך, בחטאים: כי אם-ביראת-יהוה, כל-היום.
23,18	כי, אם-יש אחרית; ותקוותך, לא תכרת.
23,19	שמע-אתה בני וחכם; ואשר בדרך לבך.
23,20	אל-תהי בסבאי-יין-- בזללי בשר למו.
23,21	כי-סבא וזולל, גרש; וקרעים, תלביש נומה.
23,22	שמע לאביך, זה ילדך; ואל-תבוז, כי-זקנה אמך.
23,23	אמת קנה, ואל-תמכר; חכמה ומוסר ובינה.
23,24	גול (גיל) גיל, אבי צדיק; יולד (ויולד) חכם, וישמח- (ישמח) בו.
23,25	ישמח-אביך ואמך; ותגל, יולדתך.
23,26	תנה-בני לבך לי; ועיניך, דרכי תרצנה (תצרכנה).
23,27	כי-שוטה עמקה זונה; ובאר צרה, נכחיה.
23,28	אף-היא, כחתף תארב; ובוגדים, באדם תוסף.
23,29	למי אוי למי אבוי, למי מדונים (מדינים) למי שים-- למי, פצעים תגם; למי, חכללות עינים.
23,30	למאחרים על-היין-- לבאים, לחקר ממסך.
23,31	אל-תרא-יין, כי יתאדם: כי-יתן בכיס (בכוס) עינו; ויתהלך, במישרים.
23,32	אחריתו, כנחש ישר; וכצפעני יפרש.
23,33	עיניך, יראו זרות; ולבך, ידבר תהפכות.



A la découverte du Beth Hamikdash

Un livre référence sur le Temple de Jérusalem. Une centaine d'illustrations et une description encyclopédique du Beth Hamikdash et de son histoire.

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions



23,34
23,35

וְהָיִיתָ, כְּשֶׁכָּב בְּלִבָּיִם; וְכִשְׁכַּב, בְּרֹאשׁ חִבְלָה.
הַפּוֹנֵי בַל-חֲלִיתִי-- הַלְמוּנִי, בְּלִידְעָתִי: מְתִי אֶקִּיץ; אוֹסִיף, אֲבַקֶּשְׁנוּ עוֹד.



A la découverte du Beth Hamikdash

Un livre référence sur le Temple de Jérusalem. Une centaine d'illustrations et une description encyclopédique du Beth Hamikdash et de son histoire.

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions